

### Član 2.

Program iz člana 1. ove Odluke sastavni je dio Odluke.

### Član 3.

Ova Odluka stupa na snagu danom objavljivanja na službenoj tabli Kantona, a naknadno će se objaviti u „Službenim novinama Bosansko-podrinjskog kantona Goražde“.

Broj:03-11-259/22  
21.02.2022.godine  
G o r a ž d e

P R E M I J E R  
Aida Obuća,s.r.

199

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“ broj: 8/15), a u skladu sa poglavljem V. Ugovora o kupoprodaji nekretnine-stana u stambeno-poslovnom objektu „Lamela H1“ na lokalitetu „Biserna“ Opština Goražde u površini 75 m<sup>2</sup> broj: OPU-IP:100/2009. od 24.06.2009. godine, Vlada Bosansko-podrinjskog kantona Goražde, na 123. redovnoj sjednici, održanoj dana 21.02.2022. godine **d o n o s i**:

### O D L U K U

**o davanju saglasnosti na prenos  
vlasništva nad nekretninom - stanom**

### Član 1.

Ovom se Odlukom Enesu Islamagiću daje saglasnost za prenos vlasništva nad nekretninom - stanom koji se nalazi u stambeno-poslovnom objektu „Lamela H1“ ulaz 1. sprat VI, stan broj 22 površine 75,00 m<sup>2</sup>, izgrađen na lokalitetu „Biserna“ općina Goražde na par-

celi označenoj kao k.č. 754/3 upisan u PL broj:1361/05 KO Goražde II.

### Član 2.

Za realizaciju ove Odluke zadužuju se Ministarstvo za boračka pitanja i Ministarstvo za finansije Bosansko-podrinjskog kantona Goražde.

### Član 3.

Ova Odluka stupa na snagu danom objave na službenoj oglasnoj tabli Bosansko-podrinjskog kantona Goražde, a naknadno će biti objavljena u „Službenim novinama Bosansko-podrinjskog kantona Goražde“.

Broj:03-11-257/22  
21.02.2022.godine  
G o r a ž d e

P R E M I J E R  
Aida Obuća,s.r.

200

Na osnovu članova 38. i 48. Zakona o plaćama i naknadama u organima vlasti Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 12/21) i člana 23. i 24. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), Vlada Bosansko-podrinjskog kantona Goražde, na 123. redovnoj sjednici, održanoj dana 21.02.2022.godine, **d o n o s i**:

### U R E D B U

**O NAČINU, UVJETIMA OSNIVANJA I  
UTVRĐIVANJU VISINE NAKNADE ZA  
RAD RADNIH TIJELA KOJE OSNIVA  
VLADA BOSANSKO-PODRINJSKOG  
KANTONA GORAŽDE I  
RUKOVODILAC KANTONALNOG  
ORGANA DRŽAVNE SLUŽBE**

## **I - OPĆE ODREDBE**

### **Član 1. (Predmet Uredbe)**

Ovom se Uredbom uređuje način osnivanja radnih tijela Vlade Bosansko-podrinjskog kantona Goražde i radnih tijela kantonalnih ministarstava, kantonalnih uprava, kantonalnih upravnih organizacija, stručnih službi (u daljem tekstu: radna tijela), uvjeti i kriteriji za osnivanje radnih tijela, način ostvarivanja i visina novčane naknade za rad državnih službenika, odnosno namještenika, koji vrše stručne i administrativno-tehničke poslove za potrebe radnih tijela i sredstva za isplatu naknada za rad u radnim tijelima.

### **Član 2. (Ravnopravnost spolova)**

Odredbe ove Uredbe se odnose podjednako na osobe muškog i ženskog spola, bez obzira na rod imenice upotrijebljene u tekstu Uredbe.

## **II - VRSTE, NAČIN OSNIVANJA I RAD RADNIH TIJELA**

### **Član 3. (Radna tijela)**

(1) Radna tijela u smislu ove Uredbe su:

- a) Stalna radna tijela Vlade Bosansko-podrinjskog kantona Goražde (u daljem tekstu: stalna radna tijela Vlade), kao što su: savjeti, koordinacije, odbori, komisije, radne grupe i drugo, koje osniva Vlada Bosansko-podrinjskog kantona Goražde (u daljem tekstu: Vlada), u skladu sa članom 14. i

15. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), radi davanja prijedloga i mišljenja o pitanjima iz nadležnosti Vlade ili donošenja rješenja u upravnom postupku i odlučivanja o drugim pojedinačnim pitanjima iz nadležnosti Vlade, kao i radna tijela koje Vlada osniva u skladu sa posebnim zakonima.

- b) Povremena radna tijela Vlade Bosansko-podrinjskog kantona Goražde (u daljem tekstu: povremena radna tijela Vlade) koja osniva Vlada u skladu sa članom 14. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj:8/15), radi interesornog rada na pripremi radnih verzija zakona i podzakonskih propisa: izrada analiza na osnovu odgovarajućih podataka, davanje prijedloga i mišljenja o pitanjima iz nadležnosti Vlade, kao i provođenje procedure za izbor i imenovanje iz nadležnosti Vlade u skladu s posebnim zakonom.
- c) Radna tijela kantonalnih organa državne službe, koje osniva rukovodilac kantonalnog organa državne službe (u daljem tekstu: radna tijela kantonalnih organa) po potrebi ili na osnovu posebnih propisa, kao povremena ili stalna radna tijela, a posebno radi: provođenja procedura i predlaganja imenovanja odnosno postavljenja iz nadležnosti rukovodioca, provođenja postupka javnih nabavki.

**Član 4.****(Sastav i nadležnosti radnih tijela)**

- (1) Sastav i nadležnost stalnih radnih tijela Vlade, osim kad je to utvrđeno posebnim zakonom ili podzakonskim aktom, propisuje se Poslovníkom o radu Vlade Bosansko-podrinjskog kantona Goražde ili odlukom o osnivanju radnog tijela.
- (2) Sastav i nadležnost povremenih radnih tijela Vlade propisuje se odlukom o osnivanju radnog tijela.
- (3) Sastav i nadležnost radnih tijela kantonalnih organa propisuje se aktom o osnivanju radnog tijela, koji donosi rukovodilac kantonalnog organa državne službe, u skladu sa posebnim propisom.
- (4) Članove radnih tijela iz stavova (1) i (2) ovog člana imenuje rješenjem Vlada iz reda članova Vlade ili iz reda izabranih nosilaca funkcija, državnih službenika koje, u skladu sa odlukom o osnivanju radnog tijela, predlažu premijer Bosansko-podrinjskog kantona Goražde ili rukovodioci kantonalnog organa državne službe.
- (5) Članovi radnih tijela iz stava (2) ovog člana mogu biti predstavnici jednog ili više tijela u radnom odnosu u tijelima državne službe.
- (6) Članove radnih tijela iz stava (3) ovog člana imenuje rukovodilac kantonalnog organa državne službe (u daljem tekstu: rukovodilac) aktom o osnivanju radnog tijela.
- (7) Broj članova radnih tijela iz člana 3. ove Uredbe ne može biti veći od pet, ako posebnim propisom nije drugačije određeno.
- (8) Članovi radnog tijela iz člana 3. ove Uredbe, koje se osniva radi provođenja procedure za izbor i imenovanje,

odnosno postavljenje iz nadležnosti Vlade ili kantonalnog organa državne službe, u skladu sa posebnim propisom, mora imati najmanje isti stepen stručne spreme i radno iskustvo kao što se javnim konkursom ili javnim oglasom traži za osobu koja se imenuje, odnosno postavlja.

**Član 5.****(Administrativno-tehnički poslovi)**

- (1) Rješenjem o imenovanju članova stalnih radnih tijela Vlade, osim kada je to pitanje određeno aktom o osnivanju radnog tijela, obavezno se određuju lica koja će obavljati poslove sekretara radnog tijela, odnosno stručne i administrativno-tehničke poslove za potrebe radnog tijela.
- (2) Rješenjem o imenovanju članova povremenih radnih tijela Vlade i radnih tijela kantonalnih organa državne službe, mogu se odrediti lica koja će obavljati stručne, odnosno administrativno-tehničke poslove za potrebe radnog tijela.

**Član 6.****(Sadržaj akta o osnivanju i imenovanju radnog tijela)**

- (1) Akt o osnivanju, odnosno rješenje o imenovanju radnog tijela obavezno sadrži: rok/roke u kojim radno tijelo treba obaviti zadatak i podnijeti/podnositi izvještaje Vladi, odnosno rukovodiocu, imena i prezimena predsjednika i članova radnog tijela, naziv organa državne službe u kojem je predsjednik, odnosno član radnog tijela zaposlen, odnosno radno tijelo na koje je državni službenik ili namještenik raspoređen, ukoliko je

radno tijelo sastavljeno od predstavnika samo jednog organa državne službe, te ime, prezime i naziv radnog mjesta lica koje će obavljati stručne, odnosno administrativno-tehničke poslove za potrebe radnog tijela, kao i odredbu o pravu na naknadu za rad u skladu sa ovom Uredbom.

- (2) Mandat stalnog radnog tijela ne može biti duži od četiri godine, izuzev ako posebnim propisom nije drugačije određeno.
- (3) Mandat povremenog radnog tijela traje do izvršenja zadatka.

**Član 7.**  
**(Rad radnih tijela)**

- (1) Radna tijela rade i odlučuju u punom sastavu.
- (2) Ukoliko radno tijelo ne može donijeti odluku jednoglasno, svaki član radnog tijela može svoje mišljenje izdvojiti i o njemu obavezno izvijestiti Vladu ili rukovodioca organa državne službe.

**Član 8.**  
**(Izvjestaj i zapisnik)**

- (1) radu radnog tijela sačinjava se zapisnik o radu i podnosi izvještaj.
- (2) Zapisnik o radu potpisuje predsjednik, svaki član i sekretar radnog tijela ako ga odredi donosilac rješenja o imenovanju radnog tijela.
- (3) Izvjestaj o radu radnog tijela dostavlja se:
  - a) za stalna radna tijela Vlade i rukovodioca organa državne službe premijeru Kantona, odnosno rukovodiocu organa državne službe
  - b) za povremena radna tijela Vlade i rukovodioca organa državne

službe, Vladi odnosno rukovodiocu organa državne službe.

**Član 9.**  
**(Kriteriji za osnivanje radnih tijela)**

Prilikom određivanja sastava radnih tijela Vlade i organa državne službe, vodit će se računa o ispunjavanju uvjeta stručnosti i sposobnosti članova radnih tijela za obavljanje poslova i zadataka i ravnopravnoj zastupljenosti konstitutivnih naroda i spolova.

**III - PRAVO NA NAKNADU ZA RAD  
I NAČIN UTVRĐIVANJE VISINE  
NAKNADE ZA RAD**

**Član 10.**  
**(Uvjeti za sticanje prava na naknadu)**

Za učestvovanje u radu radnih tijela, članovima radnih tijela pripada naknada samo pod uvjetom da su zadatke za koje su zaduženi aktom o osnivanju radnog tijela obavljali izvan redovnog radnog vremena.

**Član 11.**  
**(Vrsta naknade)**

- (1) Član stalnog i povremenog radnog tijela Vlade, odnosno radnog tijela kantonalnog organa državne službe, ostvaruje pravo na naknadu za svoj rad, koja se isplaćuje iz sredstava Budžeta Bosansko-podrinjskog kantona Goražde u visini koju utvrđuje Vlada, odnosno rukovodilac kantonalnog organa državne službe svojim rješenjem.
- (2) Mjesečni neto iznos naknada iz prethodnog stava, po članu radnog tijela i po svim osnovama, nezavisno od broja angažmana u radnim tijelima,

ne može iznositi više od 200,00 KM, osim za lica koja nisu u radnom odnosu u organima službe Bosansko-podrinjskog kantona Goražde, a koja se angažuju zbog svojih stručnih i profesionalnih ili drugih kvalifikacija iz nadležnosti rada imenovanog radnog tijela.

- (3) Osoba koja obavlja administrativno-tehničke poslove ima pravo na naknadu u visini do 70% od naknade koja se utvrdi u rješenju za jednog člana radnog tijela.
- (4) Tačan iznos naknade, odnosno visina naknade za rad u stalnom i povremenom radnom tijelu svojim rješenjem utvrđuje Vlada, odnosno rukovodilac kantonalnog organa državne službe za svako pojedinačno radno tijelo, zavisno od složenosti, oblasti za koju se osniva, potrebnoj stručnosti članova, broju završenih predmeta, potrebi rada na terenu, obimu poslova i zadataka i broju održanih sjednica.
- (5) Naknada se isplaćuje mjesečno za stalna radna tijela, a za povremena radna tijela po završenoj zadaći i isključuje pravo na prekovremeni rad.
- (6) Uz zahtjev za isplatu naknade za rad radnog tijela podnosi se rješenje o osnivanju radnog tijela, zapisnik o radu radnog tijela, izvještaj o radu za period za koji se podnosi zahtjev za isplatu.

#### **IV – SREDSTVA ZA ISPLATU NAKNADA ZA RAD KOMISIJE**

##### **Član 12. (Isplata naknade za radna tijela)**

- (1) Naknade za rad iz člana 10. ove Uredbe isplaćuju se:

- a) za članove stalnih radnih tijela Vlade iz sredstava Vlade,
  - b) za članove stalnih radnih tijela Vlade koja su osnovana na prijedlog rukovodioca resornog kantonalnog organa državne službe iz sredstava resornog kantonalnog organa državne službe,
  - c) za članove povremenih radnih tijela Vlade iz sredstava organa državne službe na čiji je prijedlog lice imenovano za člana radnog tijela,
  - d) za članove radnih tijela kantonalnih organa iz sredstava organa državne službe.
- (2) Naknade za rad sekretara stalnih radnih tijela, odnosno lica koja vrše stručne i administrativno-tehničke poslove za potrebe stalnih i povremenih radnih tijela Vlade, isplaćuje se iz sredstava Vlade, odnosno sredstava organa državne službe u kojem je lice zaposleno, a naknade licima koje te poslove vrše za radna tijela kantonalnih organa državnih službi, iz sredstava kantonalnog organa državne službe.

#### **V – NADZOR**

##### **Član 13. (Organ nadležan za vršenje nadzora)**

Nadzor nad primjenom ove Uredbe vrši Ministarstvo za finansije Bosansko-podrinjskog kantona Goražde.

##### **Član 14. (Obaveza donosioca rješenja o osnivanju radnih tijela u pogledu nadzora)**

Donosioci rješenja o osnivanju

radnih tijela su dužni omogućiti vršenje nadzora ovlaštenim osobama i staviti na raspolaganje svu dokumentaciju koja se odnosi na osnivanje i rad radnih tijela.

## **VI - PRELAZNE I ZAVRŠNE ODREDBE**

### **Član 15. (Usklađivanje akata)**

Donosilac rješenja o osnivanju radnih tijela je obavezan u roku od 60 dana od dana stupanja na snagu ove Uredbe uskladiti sva rješenja i druge akte o osnivanju radnih tijela s ovom Uredbom.

### **Član 16. (Postupanje po ranijem propisu)**

Svi poslovi i zadaci koji do dana stupanja na snagu ove Uredbe nisu pravosnažno okončani završit će se po odredbama Uredbe o sastavu komisija i naknadama članovima komisija u okviru kantonalnih organa uprave i općinskih službi za upravu u upravnom postupku („Službene novine Bosansko-podrinjskog kantona Goražde“ broj: 3/04 i 11/21).

### **Član 17. (Prestanak važenja)**

Danom stupanja na snagu ove Uredbe prestaje da važi Uredba o sastavu komisija i naknadama članovima komisija u okviru kantonalnih organa uprave i općinskih službi za upravu u upravnom postupku („Službene novine Bosansko-podrinjskog kantona Goražde“ broj: 3/04 i 11/21).

### **Član 18. (Stupanje na snagu)**

Uredba stupa na snagu danom donošenja, a naknadno će se objaviti u „Službenim novinama Bosansko-podrinjskog kantona Goražde“.

Broj:03-11-256-1/22

21.02.2022.godine

G o r a ž d e

P R E M I J E R

Aida Obuća,s.r.

-----  
**201**

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15), a u vezi sa članom 39. stav 1. Zakona o izvršenju Budžeta Bosansko-podrinjskog kantona Goražde za 2022.godinu („Službene novine Bosansko-podrinjskog kantona Goražde“, broj:12/21), Vlada Bosansko-podrinjskog kantona Goražde, na 123. redovnoj sjednici, održanoj dana 21.02.2022. godine, **d o n o s i :**

## **O D L U K U o davanju saglasnosti Upravi policije Ministarstva za unutrašnje poslove za nabavku policijske opreme**

### **Član 1.**

Ovom se Odlukom daje saglasnost Upravi policije Ministarstva za unutrašnje poslove Bosansko-podrinjskog kantona Goražde da izvrši nabavku policijske opreme – službenog naoružanja i to :

- **duge cijevi - automatske puške  
10 komada**

### **Član 2.**

Sredstva potrebna za nabavku